



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-183-31/21
Srebrenica, 16.03.2021. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj 39/14), člana 16. Pravilnika o javnim nabavkama, broj: 02-368/15 od 18.06.2015. godine i preporuke Komisije za nabavke konstatovane u Zapisniku o pregledu i ocjeni ponuda u otvorenom postupku, broj: 05-16-3-183-30/21 od 09.03.2021. godine, direktor Službe Memorijalnog centra, donosi

O D L U K U
o izboru najpovoljnijeg ponuđača u konkurentskom postupku

Član 1.

Ugovor za nabavku roba: „**Audio-vizuelna oprema**“ u vrijednosti od **15.093,00 KM** (slovima: **petnaesthiljadadevedesetri i 00/100 KM**) sa uračunatim PDV-om dodjeljuje se ponuđaču **INTER-COM d.o.o. Zenica, Vrandučka br. 71b, 72 000 Zenica**, koji je dostavio tehnički zadovoljavajuću ponudu sa najnižom cijenom.

Član 2.

U skladu sa članom 71. stav (6) Zakona o javnim nabavkama, Memorijalni centar Srebrenica-Potočari Spomen obilježje i mezarje za žrtve genocida iz 1995. godine će ovu Odluku objaviti na svojoj internet stranici www.srebrenicamemorial.org i to istovremeno s upućivanjem Odluke ponuđačima koji su učestvovali u postupku javne nabavke.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj: 05-16-3-183-29/21 od 09.03.2021. godine u skladu sa članom 71. stav (2) Zakona o javnim nabavkama.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, u skladu sa članom 18. i 87. Zakona o javnim nabavkama, pokrenuo konkurentski postupak, broj: 05-16-3-183-2/21 od 15.02.2021. godine, za nabavku roba – Audio-vizuelna oprema. Procijenjena vrijednost javne nabavke bez PDV-a iznosi 18.100,00 KM. Obavještenje o nabavci broj: 1348-7-1-7-3-8/21, objavljeno je dana 17.02.2021. godine na Portalu javnih nabavki i na internet stranici Memorijalnog centra www.srebrenicamemorial.org.

Zahtjevi za dostavljanje ponuda dostavljeni su istog dana sljedećim firmama: 1) AUDIO VIDEO CONSULTING“ d.o.o. Sarajevo, Azize Sacirbegovic 7, 71000 Sarajevo, BIH; 2) „Foto Žunić“ d.o.o., Džafer Mahala 46, 75000 Tuzla; 3) UNIVERZALNO društvo za trgovinu, promet i usluge d.o.o. Sarajevo, ul. Hasana Brkića bb, 71000 Novo Sarajevo.

Komisija za javne nabavke imenovana je Rješenjem, broj: 01-16-3-1120-2/20 od 30.12.2020. godine.

Iz Izvještaja o preuzimanju tenderske dokumentacije preuzetog sa Portala javnih nabavki na osnovu objavljenog Obavještenja, broj: 1348-7-1-7-3-8/21 od 17.02.2021. godine, utvrđeno je da su tendersku dokumentaciju preuzela 22 ponuđača.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 04.03.2021. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, Potočari bb, Srebrenica, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su ponudu blagovremeno dostavila četiri ponuđača: 1. NEXIS d.o.o. Sarajevo; 2. AUDIO VIDEO CONSULTING d.o.o. Sarajevo; 3. INTER-COM d.o.o. Zenica; 4. KM TRADE d.o.o. Visoko.

Dana 09.03.2021. godine, Komisija se ponovo sastala radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz člana 45. do 51. Zakona i da li su ponuđači dostavili tehnički zadovoljavajuću ponudu u skladu sa zahtjevima iz tenderske dokumentacije, te da li ponuđena roba odgovara predmetu nabavke i tehničkim specifikacijama.

Uvidom u ponude ponuđača: 1. NEXIS d.o.o. Sarajevo; 2. AUDIO VIDEO CONSULTING d.o.o. Sarajevo; 3. INTER-COM d.o.o. Zenica; 4. KM TRADE d.o.o. Visoko. , Komisija je konstatovala da su ponuđači dostavili tehnički zadovoljavajuće ponude te da su ispunili sve uslove propisane članom 45. i 46. Zakona, kao i minimalne tehničke uslove za kvalifikaciju propisane tenderskom dokumentacijom. U skladu sa prednje navedenim, Komisija je zauzela stav da su sve ponude gore navedenih ponuda prihvatljive. Nakon toga je izvršena računaska kontrola dostavljenih ponuda ponuđača i utvrđeno je da ponude ne sadrže računske greške.

S obzirom da je na adresu ugovornog organa pristigao dovoljan broj prihvatljivih ponuda, a prema uslovima iz tenderske dokumentacije, Komisija je u skladu sa odredbama Pravilnika o uslovima i načinu korištenja e-aukcije ("Sl. Glasnik BiH" broj 66/16), dana 12.03.2021. godine u 13,00 sati zakazala e-aukciju, prema kriteriju najniža cijena ponude, a prema tački 22. tenderske dokumentacije.


Komisija je nakon izvršene ocjene ponude, predložila Ugovornom organu da se **ugovor za nabavku roba – Audio-vizuelna oprema u vrijednosti od 15.093,00 KM sa uračunatim PDV-om dodijeli ponuđaču INTER-COM d.o.o. Zenica, Vrandučka br.71b, 72 000 Zenica**, koji je dostavio tehnički zadovoljavajuću ponudu sa najnižom cijenom.

Komisija je sačinila Zapisnik o pregledu i ocjeni ponuda, broj: 05-16-3-183-30/21 od 09.03.2021. godine, koji je sastavni dio ove Odluke i kao takav se dostavlja svim učesnicima u postupku javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na Protokol Ugovornog organa ili preporučenom poštom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 500,00 KM. Uplata naknade za pokretanje žalbenog postupka vrši se u skladu sa Instrukcijom o načinu uplate, kontrole, povrata i naknada propisanih članom 108. Zakona o javnim nabavkama („Sl. glasnik BiH“ broj 86/14).



Dostaviti:

1. INTER-COM d.o.o. Zenica;
2. KM TRADE d.o.o. Visoko;
3. AUDIO VIDEO CONSULTING d.o.o. Sarajevo;
4. NEXIS d.o.o. Sarajevo;
5. U predmet;
6. Arhivi.

Prilog:

- Zapisnik o pregledu i ocjeni ponuda, broj: 05-16-3-183-30/21 od 09.03.2021. godine.